

GKSA NUUSBROKKIES

Sondag 10 Mei 2020

LIEF EN LEED

Beterskapwense

Ons bid vir almal wat operasies ondergaan het of tuis aansterk of nog vir 'n operasie in die komende week moet gaan Gods seën op 'n spoedige herstel toe.

Hartlike gelukwense aan die volgende predikante/professore en eggenotes met hul verjaarsdae

- 11 Mei Ds CJ Malan (Neels) – GK Bethulie
- 11 Mei Mev MH Pansegrouw (Marja), eggenote van ds D Pansegrouw (Dirk) – GK Hoëveld
- 11 Mei Mev Z van Blerk (Zelda), eggenote van ds PJ van Blerk (Petrus) – GK Rietvallei
- 11 Mei Mev M Stoltz (Mockie), eggenote van ds HJ Stoltz (Hendrik) – GK Ontdekkers
- 12 Mei Ds LJ Erasmus (Lou) – GK Naboomspruit
- 12 Mei Ds OA Oosthuizen (Ockert) – GK Rustenburg-Wes
- 12 Mei Mev D d'Assonville (Daleen), eggenote van dr VE d'Assonville (Victor) – GK Marble Hall
- 13 Mei Mev H Meijer (Hanneke), eggenote van ds MD Meijer (Dirk) – GK Bloenburg

Hartlike gelukwense aan die volgende emeriti met hul verjaarsdae

- 10 Mei Mev S Droomer (Sandrina), eggenote van ds N Droomer (Nardus) – GK Die Kandelaar
- 11 Mei Ds PA Smit (Peet) – GK Daspoort
- 13 Mei Mev MC van Wyk, eggenote van prof JH van Wyk (Amie) – TSP
- 13 Mei Ds NG Laubscher (Nic) – GK Buffeldoorns
- 13 Mei Mev JL de Kock (Venita), eggenote van dr DJ de Kock (Danie) – GK Krokodilrivier
- 14 Mei Mev HM Bingle (Marianne), eggenote van dr PW Bingle (Pieter) – GK Kaapstad



Hartlike gelukwense aan die volgende teologiese studente by die Teologiese Skool Potchefstroom met hul verjaarsdae

13 Mei Adriaan Broodryk
14 Mei David Letebele

Gods ryke seën word u toegewens vir die nuwe lewensjaar (*Ps 16:5, 6*)



Gelukwense aan ds Lourens en Sanmarie Venter van GK Centurion met die geboorte van hul dogtertjie

Simpatie betuiging aan mev Marianne Bingle, eggenote van dr Pieter Bingle emerituspredikant van GK Kaapstad, met die afsterwe van haar broer



KERKLIKE ADMINISTRASIE

Beroepe ontvang

- Dr VE d' Assonville (Victor) van GK Marble Hall na GK Postmasburg met opdrag KO, artikel 7.

Veranderinge in kontakbesonderhede

GK Vereniging

Emerituspredikant: Ds Dries Coetzer se e-posadres het verander na:
dries.coetzer1940@gmail.com

Daar is interaktiewe blokkiesraaisels oor Bybelboeke, asook gewone Bybelblokkiesraaisels wat afgelaai kan word by <http://www.ssplus.co.za/ruite.htm>
(ons gaan gereeld bywerkings doen)

Emeritering



Ds Gustav Opperman van GK Matlabas, het einde April 2020 geëmeriteer. Ds Opperman sal as hulpdienspredikant by GK Matlabas betrokke wees

Die jare het verby gegaan, en 'n deel geskiedenis is besig om in die vergetelheid te raak. Baie betrokkenes is reeds dood, maar die geskiedenis moet opgeskryf word.

Ek praat van die **Kapelaansdiens gedurende die Grensoorlog**. Kan die dominees wat diens gedoen het asseblief hulle herinneringe opteken vir die argief. Moontlik is daar artefakte wat u aan die museum kan skenk. Laat ons hierdie geskiedenisrol wat die Gereformeerde Kerk in die tyd vervul het nie verlore laat gaan nie. Laat die wat daar was hierdie leemte vul.

Ook die predikante wat in Suidwes in gemeentes was asook die wat op die ander grense van Suid-Afrika was.

Stuur alle inligting aan Carmie Huisman by die Kerkargief: 21149895@nwu.ac.za

Die **bestuur van die GTV** het die nuwe reglement vir die te stigte GTW goedgekeur nadat kommentaar van sommige van u ontvang en oorweeg is. Hiermee rig ek namens die bestuur van die GTW aan u 'n uitnodiging om lid te word van die GTW aangesien die nuwe reglement bepaal dat ons 'n vaste ledelys moet hê.

Indien u 'n lid wil word, stuur 'n e-pos aan Bertha Oberholzer by 20978839@nwu.ac.za met 1) u naam, 2) u e-pos adres 3) gemeente of instansie, en 4) u besondere belangstelling in een van die teologiese dissiplines (bv. Pastoraal, Nuwe Testament ens.). Ons sal graag van u wil hoor en wanneer ons die ledelys saamgestel het, sal ons weer met u in verbinding tree.

Ons eie TV-platform: <http://www.glomedia.tv/>



Liewe gemeentelêde

Kom kyk na ons eie Christelike videoprogramme op ons eie TV-platform. Gaan na www.glomedia.tv (aanlyn) en teken in regs bo in die hoek.

Toegang is slegs R49 per maand

GLO MEDIA™
Gemeenskap van Christelike Aandad

Die GKSA en die NHK het saam ons eie TV-platform geskep om goeie Christelike programme op professionele TV standaard te vervaardig. Hoewel die vervaardiging eers vanjaar begin het, is baie ure en baie soorte programme vir jonk en oud reeds beskikbaar. Programme word wekluks bygevoeg.

Ondersteun die inisiatief deur na www.glomedia.tv te gaan en aan te sluit. Jy kan ook armer gesinne borg of voorstelle maak deur 'n epos te stuur na navrae@glomedia.tv



Liewe mede-gelowige mamas en pappas,

Dit waaraan ons klein mensies elke dag blootgestel word, het só groot invloed op hulle ontwikkeling en waardes. GLOmedia.tv gee aan Christen-ouers 'n aanlyn alternatief.

Besoek www.glomedia.tv en teken aan vir sleg R49 per maand.

GLO MEDIA™
Gemeenskap van Christelike Aandad

Plaas asseblief in kerknusbriewe, wys by afkondigings, & stuur elektronies na gemeentelêde

PROPONENTE BEROEPBAAR GESTEL



Proponent GJ Venter (Jonker)

Sel: 082 566 3216

E-pos: venterjonker@gmail.com

Jonker en Erika met Alexander en Clarinda

Beroepbaarstelling ingevolge KO, art 11

Ds MJ Nkili (Jafta)

Sel: 086 636 8212 / 076 489 8601

E-pos: nkilijafta@gmail.com

Beroepbaarstelling is geldig tot 31 Augustus 2020



Die tweede reeks van Openbarings word vanaf Maandagaand op VIA, DSTV, kanaal 147 om 21:00 uitgesaai.

Die eerste reeks het oor die kultes wat aktief in Suid-Afrika is gehandel.

Die tweede reeks handel oor Christelike bedienings wat sê dat hulle spesiale openbarings van God ontvang, genesings doen en van hulle selfs mense uit die dood opwek.

Die volgende datums word deurgegee:

Episode 4	11 Mei 2020	Spirit Word Ministries (Stilfontein)
Episode 5	18 Mei 2020	Pastoor Johan van Eck

OPROEP TOT VERROOTMOEDIGING EN GEBED, VOLGENS KO, ART 66

In antwoord op twee KO, art 66 versoeke, vanaf GK Oranjerivier en GK Oos-Moot, om die uitroep van 'n Dag van Verootmoediging en gebed oordeel die *classis contracta* van Klassis Potchefstroom soos volg:

- Die nasionale- en internasionale krisis wat deur die Covid-19 pandemie veroorsaak is, veroorloof inderdaad die versoeke om 'n Dag van Verootmoediging volgens KO, art 66.
- Die huidige grendeltyd bring die volgende praktiese uitdagings na vore:
 - a. daar is tans 'n verbod op die samekoms van mense.
 - b. die elektroniese hantering van hierdie saak d.m.v. internethulpbronne kan vir meeste Kerkrade en gemeentes 'n uitdaging wees.
 - c. in die huidige inperking kan 'n Dag van Verootmoediging moeilik tot sy reg kom.

In vertrouwe op ons Hemelse Vader in wie se hand ons leef en die ganse wêreld bestaan besluit die *classis contracta* van Klassis Potchefstroom besluit daarom soos volg:

1. Aangesien ons ons verlossing in niks en niemand anders soek as in Jesus Christus nie, word alle kerke en lidmate van die GKSA opgeroep tot 'n tydperk van voortdurende verootmoediging en gebed.
2. Verder word 'n Dag van Verootmoediging, volgens KO, art 66, uitgeroep op DV die eerste Sondag wat ons as kerke in gewone eredienste kan vergader.

Met die oproep:

- roep ons mekaar op tot 'n geloofsverklaring dat ons, sou die wederkoms van ons Here Jesus nie eerder gebeur nie, ons weer na afloop van hierdie krisis as kerke sal kan saam kom in erediens aan ons Here.
- waak ons teen die verheffing van 'n spesifieke dag of handeling deur ons kerke, asof die Here nie in sy genade uitkoms sal gee voor ons nie as kerke vergader in verootmoediging en gebed nie.

Namens Korresponderende Kerkraad – Klassis Potchefstroom

“O, AARDE!”: FLITS 30

JOB 28: DIT KAN! MAAR IS DIT WYS?

Job is radeloos: “Waarom het al die rampe my getref “? (Job 1-3). Sy vier slim vriende het die logiese antwoord: dis God se straf op sy geheime sondes – net soos Hy ook gehoorsaamheid en deug beloon!

Maar Job kan nie vrede vind in slim verklarings vir die mens se ellende nie. Daarvoor is wysheid nodig! Kyk nou maar na die mynbou (Job 28): ‘n hoogtepunt in die mens se slim prestasies. En wat produseer hy? Goud en ander “kosbare” minerale! Maar is dit wys?

Job: Ja, julle is ongetwyfeld slim! Daardie myne van julle is die bewys daarvan.

Elifas die myningenieur (hfst 4,5): Nee, ons mynbouprestasies is nie bloot die bewys van ons eie slimheid nie. Dis die bewys dat God goeie mense en hulle dade beloon. Hy het my die verstand gegee om die data van die geoloë, prospekteerders, “samplers” en landmeters te rangskik en daarvolgens die skagte en gange en die ventilasie te beplan - en Hy beloon wat ek goed doen.

Bildad, die mynmagnaat (hfst 8:8-10): Job, ons sukses is toe te skryf aan ons beginsel- en tradisievastheid. Ons is nie slimmer as ons voorgeslagte nie. Ek belê in die mynbedryf op grond van die opgegaarde kennis van my voorgeslagte: hulle het lankal ontdek die sleutel tot sukses is om te voorsien in wat mense soek. As hulle goud soek, voorsien jy dit. Dit is slim – en jy is geseend deur jou belegging in die mynbou, want God wil dat jy inpas by en gelei word deur die kennis en ervaring van die voorgeslagte.

Sofar, die metallurg (hfst 11): Gebruik jou verstand, Job! Deur my verstand in mynbou te gebruik het ek metodes uitgevind om goudstof doeltreffend uit die erts te loog: mens moet lood gebruik en as jy sianied en kwik tot die proses byvoeg, herwin jy die goud al doeltreffender. Dus: God het ons met ‘n intellek geseën om te verstaan hoe dinge in die skepping werk – in mynbou, maar ook in die gebeures van elke dag: die voor- en teëspoed. ‘n Ding wat nie werk nie, los jy. As dit werk, hou jy aan: dit is slim, God se wil.

Job (hfst 12): Ek hoor julle slim verklarings vir my ongeluk en julle sukses. Maar is julle prestasies wys? Wat van die mynhope wat groot stukke aarde bedek en nutteloos maak vir God se doel: om sy mense in staat te stel om te boer en diere van ‘n veilige habitat te voorsien? En is dit wys om die lood en sianied en kwik in die mynhope te laat opgaan waar dit oor eeue uitsypel en besproeiings- en drinkwater besmet met swaarmetaalgifstowwe wat neerslaan in graan, groente en vrugte en allerhande siektes en kwale veroorsaak? Wat van die stof van mynhope wat longkwale laat ontstaan en selfs so aanpak op blare dat hulle nie meer koolstof kan opneem en suurstof kan afgee nie?

Elihu, die Arameër, die jong gespierde skofbaas (hfst 32-37): Oom Job, ek het geduldig geluister na Oom en die ander ou manne. Lyk my julle is bang vir die waarheid: God is regverdig in sy seën oor die wat regverdig lewe, maar ook in sy


oordele oor die wat sy wil oortree. Daarom is ons mynbouondernemings suksesvol en Oom se boerdery het misluk. Dit help nie vir Oom om fout te probeer soek by ons sukses nie: die onmiddellike voordele van ons mynbou oorskadu by verre die nadele wat Oom opnoem. Oom was self nie tevrede om 'n kleinboer te wees nie: met tien hoenders, twintig bokke, drie koeie en twee kamele nie en met ou Obed om hulle op te pas. Oom het 'n megaboer geword en baie mense bevoordeel - maar nou het alles inmekaar geval. Dit is die bewys daarvan dat die verkeerde wat in die duisternis gedoen word uiteindelik aan die lig kom. Erken en bely dit en hou op om God te verwyt en ons te blameer omdat ons slim te werk gaan.

Job (31:6; 32:1): In my hart weet ek ek is regverdig en onskuldig - en die slimheid van my vriende is nie wysheid nie, verklaar nie die werklikheid ten volle nie. Ek redeneer nie verder nie. Ek wag op God vir wysheid, die wysheid waarin ek vrede kan vind.

Dr Henk Strooiprater, mondstuk van die Deputate: Omgewing van die GKSA, verwonder hom oor die kontras tussen Job se wysheid en die slimheid van die mynbouindustrie. Hy lees die Skeppergod se antwoord aan Job (38-41) en weet: ware wysheid en voorspoed is om Hom te eer deur in te pas by sy ontwerp en bestier van die skepping. Dr Henk dink aan die verwoestende gevolge en ellende van die diamant- en koperontginning in Namakwaland; die rampe as gevolg van stofbesoedeling en uitpomp van water deur die yster-, mangaan- en asbesmyne in die Noordkaap; die onomkeerbare skade aan die natuur-, plant- en menslike lewe deur die goudmynbedrywighede aan die Witwatersrand en die Vrystaat; die rampspoedige gevolge van die slim ontginning van steenkool in die eens waterryke en groen velde en unieke dierelewe van Mpumalanga waar die watervoorrade verdwyn het of besmet is met afvalstowwe wat die riviere besoedel en die fauna en flora doodmaak.

Die verliggende lig breek skielik deur: wysheid is om te besef dat nie alles wat jy met jou slimheid kan doen en produseer goed en reg is nie, maar wat reg is, is om te weet: "Ek met wat ek doen pas in in God se skeppingsplan". Die ander wysheidskrywer van die Ou Testament het ook hierdie groot waarheid onderstreep: "Kennis begin met die dien van die Here ... wie die Heilige ken het werklik insig" (Spr 1:7; 9:10).

GEREFORMEERDE PUBLIKASIES (Calvyn Jubileumboekefonds = CJBF)




Bestel by: Administratiewe Buro
E-pos: bestellings@gksa.co.za
Tel: 018 297 3986

Prys R70.00 (verpakking en posgeld uitgesluit)

Bestel by: Administratiewe Buro
E-pos: bestellings@gksa.co.za
Tel: 018 297 3986

Prys R65.00 (verpakking en posgeld uitgesluit)




Bestel by: Administratiewe Buro
E-pos: bestellings@gksa.co.za
Tel: 018 297 3986

Prys R25.00 (verpakking en posgeld uitgesluit)



Op die GKSA se boekrak




JH van Wyk, 2015, *Teologie van die koninkryk. Studies in dogmatiek en etiek*, Pretoria, 484 bladsye (verkrygbaar by die Admin Buro, Potchefstroom). Prys R250 plus posgeld.

Die boek bevat artikels wat die skrywer oor 'n lang periode geskryf het en volgens die orde van die dogmatiek en die Nederlandse Geloofsbelydenis saamgestel het. Daar is artikels oor die Skrifleer, die Godsleer, die Christologie, die kerkleer, sakramente, apologetiek, etiek en die eskatologie (toekoms). Dit is byna 'n soort verkorte dogmatiek. Daar is o.a. 'n belangrike artikel oor die opkomende en aggressiewe ateïsme. Die boek is ideaal vir teologiese studente maar teoloë en belangstellende lidmate sal dit ook lesenswaardig vind.

JH van Wyk, 2018, *Augustinus. 'n Studie oor die etiek van 'n kerkvader uit Afrika*, Sun Press (African Sun Media), 233 bladsye. Prys ongeveer R200 plus posgeld.

In die boek fokus die skrywer op die etiese gesigspunte van hierdie groot kerkvader uit Afrika, maar hy doen dit teen die agtergrond van die lewe van die kerkvader en sy dogmatiese gesigspunte. Augustinus word beskou as een van die heel grootste teoloë wat ooit geleef het en lewer 'n illustrasie dat Afrika ook 'n groot bydrae tot die teologie in die kerk- en kultuurgeskiedenis gemaak het. Die boek het ook in Holland heelwat aandag getrek in resensies wat daar verskyn het. In Suid-Afrika het die boek in 2019 die Andrew Murray-prys ontvang. Een van die keurders van die boek het opgemerk: "Ek oordeel dat hierdie een [die boek] een van die heel beste teologiese boeke is wat nog in Afrikaans geskryf is." 'n Ander keurder het geskryf: "Hierdie werk staan uit as een van die groot teologiese bydraes in Afrikaans die afgelope drie dekades." Die boek is in vloeiende Afrikaans geskryf en studente, teoloë en belangstellende lesers sal deur die inhoud verryk word.



AKADEMIESE KONFERENSIE – BYBELGENOOTSAP 200 DONDERDAG 23 JULIE 2020

Ter viering van die 200-jarige bestaan van die Bybelgenootskap in Suid-Afrika, sowel as 'n vooruitskouing vir die bekendstelling van *Die Bybel: 'n Direkte Vertaling* in November 2020, organiseer die Teologiese Skool Potchefstroom in samewerking met die Fakulteit Teologie van die NWU 'n akademiese konferensie.

Tema: Die impak van die Bybel in ons samelewing: verlede, hede en toekoms

Datum: 23 Julie 2020

Lokaal: Geboue van die Fakulteit Teologie en die Teologiese Skool Potchefstroom



Indien nodig in die lig van COVID-19, sal die konferensie aanlyn plaasvind

In aansluiting by die oorhoofse tema kom die volgende sub-temas aan die orde:

1. Bybelvertaling in Suid-Afrika en/of Afrika
2. Bybelinterpretasie in die Suid-Afrikaanse konteks
3. Die impak van die Bybel in die samelewingstrukture (bv. kuns, wetenskap, letterkunde, politiek, onderrig, ens.) en geloofsgemeenskappe

Programinligting:

1. Akademiese Konferensie – 23 Julie (R 100 – sluit verversings en Donderdag se middagete in)
2. Dinee – 23 Julie (R110 – bespreking en betaling is noodsaaklik teen 15 Julie)
3. Toeligtingsessie deur die eindredaksie van *die Bybel: Direkte Vertaling* – 24 Julie (R90 – sluit verversings en Vrydag se middagete in)
4. Fietsrit en toeligtig: Vanaf die Totiushuis na Krugerskaal – 25 Julie (Gratis)

Registrasie vóór/op 15 Julie 2020 by elsabe.labuschagne@nwu.ac.za



GEDAGTE VIR DIE WEEK

Wees altyd bly. Bid gedurig.

Wees in alle omstandighede dankbaar, want dit
is wat God in Christus Jesus van julle verwag.

1 Tessalonisense 5:16-18